

Ethica Amoris, Sive Theologia Sanctorum, Magni Præsertim Augustini, Et Thomæ Aquinatis

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

**Henricus, de Sancto Ignatio
Leodii, 1709**

Caput XXXII. De conscientia probabili. Regula prima: non est licitum agere
secundùm opinionem probabilem de licito, dum ex adverso occurrit &
concurrit opinio æque probabilis de illicito.

[urn:nbn:de:hbz:466:1-73187](#)

pratanus i. i. de apibus, c. 19. referunt, quod damnationem suam (post mortem apparet) declaraverit, tres ob causas, quarum una fuit, quod contra sententiam plurimorum, opinionem propriam de pluralitate beneficiorum, quali licite tenendorum, tacitus fuisset. Quod profecto non fecisset, si de veritate illius sententia plurimorum certam notitiam habuisset. Non habuit autem, nec in re tunc inter Juristas & Theologos magnopere controversa habere potuit. Si tamen habuisset, saltem agonizans (ad id hortante ipsum Guilielmo, Parisiensi Episcopo) opinioni cedens de pluralitate beneficiorum, omnia in manus Ecclesie excepto uno resignasset. Sed renuit (inquit Cantipratanus) experiri se vel le dicens, urum est damnabile plura tenere, secundo probabilem de lictio opinionem. Mortuus est ergo sic: nec tamen ipsum à damnatione probabilitas istius opinionis liberavit, nec defectus scientiae seu notitiae certae, quod id damnabile foret, nec in defectu illo fundata ignorantia invincibilis ab Adversariis istis in circumstantiis praetensa, tametsi probabilitas fuerit antecedens. Cum credibile non sit, quod dixisset experiri se velle, an id foret damnabile, si certam habuisset notitiam, quod fuisset damnabile. Probabile namque erat quod non. Id enim plures Theologi ac Juristae licet affirmabant. Ipsorum opinionem suam cupiditati faventem sequi maluit, quam oppositam tuiores simul & probabiliores. Qualis ipsi apparuerit, nisi cupiditas aliter persuaserit. Commisit ergo se discriminari (uti facere solent, qui opinionem minus probabilem, suam cupiditati faventem, sequi malunt, quam tuiores) sed illo in discrimine perire, verificavisse proverbium, qui amat periculum, peribit in illo.

366 8^o. tametsi defectus scientiae, seu notitia certae, in tali homine, post debitam inquisitionem, sit invincibilis, et quod faciendo quod in se est, asequi non potuerit notitiam certam de malitia sua actionis; non proinde ignorantia istius malitia est invincibilis: cum ignorantia invincibilis malitia plus importet quam defectum certae cognitionis & scientiae ipsius. Ille enim solus invincibiliter malitiam ignorat, cui inculpabilitas non venit in mentem cogitatio, vel saltem prudens dubitatio de malitia. Hactenus quippe inauditum est assertere, quod ille agat cum invincibili ignorantia malitia, qui agit prudenter dubitando, an malum sit quod agit. Ne ipsi quidem Probabilistarum Principes id afferunt, sed ignorantiam actualem cum inadvertentia seu inconsideratione confundentes, eam distinguunt in vincibilem & invincibilem, aientes solum illum agere cum ignorantia invincibili malitia, cui nulla occurrit advertentia vel suscipio, aut dubitatio malitia, ut videre est apud Suarez to. 5. disput. 4. sect. 8. num. 5. Azor. to. I. l. I. c. 16. q. 3. Sanchez l. I. Sum. c. 16. n. 8. Nullus denique ante quin-

quaginta annos peccare dixit ex ignorantia multo minus ex ignorantia invincibili, qui peccar actu formidans, & prudenter dubitans id quod agit esse peccatum. Multo minus eum ignoranter peccare dixit, qui prudenter (licet non certe) judicat, se hoc vel illud agendo peccare. Et hos tamen, & illos Terillus dicit invincibiliter ignorare malitiam suam actionis, si certam notitiam ipsius post diligentem inquisitionem, asequi non potuerint. Paradoxa ergo, nova, inaudita & improbabilia dicuntur.

Est proinde falsissimum, ignorantiam eo ipso esse invincibilem, quo post debitam inquisitionem per principia directa non potuerit certa cognitione superari, eo quod post longas Doctorum disputationes, post multorum annorum studium, torque ingeniorum acutissimas investigationes, certe innotescere non potuerit, an v. g. talis vel talis contractus sit in se malus & ulurarius. Ex hoc namque sequitur quidem inculpabilem atque invincibilem esse defectum scientia certe notificantis malitiam istius contractus; sed non sequitur, invincibiliter malitiam illius ignorari, atque eo titulo inculpabiles esse, qui talem contractum sic faciunt absque certa notitia malitia illius, ut tamen prudenter de ea dubitent, vel dubitare possint. Tametsi enim reprehensibles non sint, eo quod certain non habeant scientiam de ipsis contractus malitia; sunt tamen maxime reprehensibles, dum prudenter de ea dubitantes, vel dubitare potentes, ob rationes hinc inde aequè fortiter moventes, a contractu illo non abstinent. Quia agunt contra præceptum naturale sibi certe notum non exponendi se periculo violandi legem Dei, & in eiusmodi dubio tuorem partem eligendi.

Falsissima quoque est propositio ista Terilli: 368
Omnis probabilitas, quod objectum aliquod non sit prohibitus, etiam in contradictione probabilitatis directe majoris pro parte contraria, necessario connectitur cum invincibili ignorantia legis divine prohibentis tale objectum; ad cœque excusat à peccato, & sufficit ad securitatem conscientia. Quia si mihi post diligentem inquisitionem manifeste appareat probabilius esse, quod contractus sit prohibitus, licet prohibitio illius mihi certe non innotescat, prudenter judio, vel judicare possum, quod prohibitus sit & malus. Si ergo illum facio, cum tali judio, non facio cum invincibili ignorantia malitia; sed cum conscientia illius prudenter formata, licet absque certitudine.

CAPUT XXXII.

DE CONSCIENTIA PROBABILI.

Regula prima: non est licium agere secundum opinionem probabilem de licto, dum ex adverso occurrit & concurrat opinio aequè probabilis de illicito.

R Egula ista manifeste deducitur ex dictis 369
 de conscientia dubia: quia ut bene Val-

quez 1. 2. disput. 64. cap. 71. nemo dubitat peccare eum qui operatur non habens firmum & determinatum judicium conscientia, quo judicet non esse peccatum id quod facit, sed dubitans an sit peccatum, illud nihilominus operatur. Sed in illo concursu & occursu contrariarum hinc inde opinionum, homo non habet, nec prudenter habere potest firmum determinatum que judicium conscientiae, quo judicet non esse peccatum id quod facit, sed vere dubitat, vel prudenter dubitare debet, an sit peccatum, prout constat ex dictis cap. 9. ergo non licet ipsi hoc facere. Si enim tunc judicaret illud non esse peccatum, dum ipsi æquè probabile apparet esse, quam non esse peccatum, imprudenter judicaret, solumque id judicaret, quia sic vellet judicare, & mediante illo iudicio, à se legis obligationem executare, ut ibidem ostentum est.

C A P U T XXXIII.

Regula secunda: A fortiori non est licitum agere secundum opinionem minus probabilem de licto, in concursu & occursu probabilioris de illicito.

370 **S**i enim licitum non est agere secundum opinionem probabilem de licto, dum ex adverso concurrit & occurrit æquè probabilis de illicito, prout haecenū est demonstratum. Multò ergo minus licitum est agere secundum opinionem probabilem de licto, dum ex adverso concurrit & occurrit probabilior de illicito. Ubi enim par de licto probabilitas non excusat; minor de licto probabilitas excusat non potest. Et si in æquali utrumque probabilitate tutior pro lege opinio in praxi frequenda est; à fortiori dum opinio pro lege, minus tutam pro libertate probabilitate superat. Tunc enim secundum minus tutam, minusque probabilem agens, probabiliori se peccati pericolo, majorique proinde discrimini se committit. Denique si nefas est id agere quod æquè probabilitate est illicitum, ac licitum, quia est dubia honestatis; à fortiori nefas est id agere quod probabilitate est illicitum, quam licitum, quia est plusquam dubia honestatis, pro quanto minus apparet, & minus verisimilis est honestas actionis quæ apparet probabiliter in honesta, quam honesta.

371 Quod autem vere dubia sit honestas actionis, quæ æquè probabiliter apparet in honesta quam honesta (ideoque nefas sit eam ponere, secundum regulam ab ipsiusmet Sapientibus Gentilitatis agitam, in Scripturaque & Traditione fundatam, atque à SS. Pontificibus canonizatam: *in dubiis via tutior eligenda est*) citato cap. 9.... demonstratum est. Certum quippe apud omnes haecenū fuit, intellectum tunc vere esse in statu dubitantis, cum æqualem utrumque lucem aspiciens, veram à fallaci nequit internoscere, ideoque non magis in unam quam in alteram partem incli-

nans, manet in æquilibrio. Istam namque veræ dubitationis idæam omnes haecenū trididerunt. Et qui rem penitus introspexerunt, negativam dubitationem, ubi nihil, sive hinc, sive inde, rationis affulget, vera ignorantiae, quam dubitationi, vicinorem esse dixerunt. Et ut vera dubitatio dici posset, quatenus verum est æquilibrium mentis, positiva etiam dubitatio vera dubitatio dicenda est, eamdem ob causam. Neque enim minus in æquilibrio mens est, dum æqualis hinc inde, quam dum nulla, sive hinc, sive inde, ratio occurrit. Quemadmodum lances in libro non minus in æquilibrio sunt, dum æquale utriusque lanci, quam dum nullum, sive huic, sive illi lanci pondus incumbit; nec in alteram partem magis movetur, qui æqualiter in utramque, quam qui in neutram trahitur & impellitur.

C A P U T XXXIV.

Regula tertia: improbabile est, probabile quocumque (prout communiter accipitur, & ab antiquis Probabilitatis definitur) excusare à peccato.

Constat ex Decreto Innocentii XI. quo 372 damnavit hanc propositionem: *Generaliter, dum probabilitate, sive intrinsecâ, sive extrinsecâ, quantumvis tenui, dummodo à probabilitatis finibus non exeat, confisi aliquid agimus, semper prudenter agimus. Sicut & istam: Ab infidelitate excusabitur infidelis, non credens, ductus opinione probabili. Constat etiam ex intolerabilibus laxitatibus, alias consecuturis. Quas antequam deducamus,*

Observandum 1°. probabile, juxta com- 373 munem conceptionem, veterumque Probabilitatum definitionem, esse, quod ratione vel autoritate alicuius momenti, sic innititur, ut in oppositum nihil appareat convincens, vel, quod certitudinem non habens, gravi tamen autoritate vel ratione nititur. Quomodo acceptum probabile, idem est quod verisimile. Verisimile namque est, quod suavissime est per argumenta non convincientia, eam tamen veri speciem habentia, ut viris non vulgariter eruditis, & in materia de qua agitur non mediocriter versatis, videantur convinci non posse falsatos. Et ideo probabile cum verisimili Academici confuderunt; nec in eo ipsos redarguit Augustinus, tametsi alias nihil in ipsis dissimulet: *Id probabile (inquit l. 2. contra Academ. c. 11.) vel verisimile Academicis vocant, &c.* Ipse etiam Doctor Angelicus lect... in cap. 1. libri 1. Ethic. probabile & verisimile pro eodem accipit, dum exponens verba ista Philosophi: *Oportet veritatem figuraliter ostendere: ly figuraliter, id est (inquit) verisimiliter & probabiliter: quia probabile est quod est simile vero.* Denique probabile ex communi loquentium usu cum verisimili notione confunditur, duoque ista, cum ab hominibus communiter usurpantur, unum idemque significant, ait Stephanus Gradius disp. de opin. prob. c. 10. Obser-